


昆明志 55

76663

地280.323

944

第314



雅安歷史

雅

安

歷

史

雅安歷史目錄

卷一

緒言篇

地理篇

建置篇

卷二

祠祀篇

田賦篇

官師篇

卷三

雅安歷史全部

目一

人物篇

選舉篇

災祥篇

卷四

風俗篇

雜記篇

自叙篇

共計四卷

另有繪圖一卷尚嫌簡略一俟軍事結束親到四鄉率同長男銘季男鈞詳細測繪瀏亮列圖再為續版以饜閱者之目

謹先以此付印就正大雅君子時在

中華民國十有四年舊歷歲次乙丑孟夏中旬第一次出版  
著者識

雅安歷史全部

目二

雅安歷史

緒言篇

賈鴻基固之著

是書何為而作。感修縣志而作也。時開局修志。任其職者頗不乏人。基不肖濫竽其列。甘置身於局外。而又不憚煩如此。毋乃好為多事。而近於爭名。曰否。非是之謂也。予殆有懷舊之蓄念也。昔在清代。光緒二十五年歲次己亥。知縣唐枝中提倡獨早。縣志之修。固不自民國始也。有徵修一啟。留別一書。為之證。

竊雅為附郭首邑。向無志書。誠為闕典。枝中自丙申下車。每與都人士燕集。即欲倡此舉。而苦無端緒。昨於學博張桂亭處。借三志合編披閱一過。簡而能括。歎為善本。擬仿其體為之。因康對山武

雅安歷史卷一

緒一

一

功志。分地理。建置。祠祀。田賦。官師。人物。選舉。七篇。酌參朝邑韓志之風俗雜記。靈壽陸志之災祥藝文。加志例及前序後跋。計十四篇足矣。伏諗諸君子。皆吾雅淹貫之才。又特以講授為事。其著作當易為功。用特敬治春茗。羅而致之。并捐廉致送潤筆。惟冀按題分作。各擬二篇。互相考訂。講實錄。不尚虛文。合羣才以求一是。如鄭命之得諸賢焉。諸君子生長是邦。數典難忘。發以目見耳聞。分門別類。不伐異。不苟同。言簡意賅。纂輯成書。庶三志不能專美於前。而吾雅終不至抱無志書之憾。是所厚望云云。此己亥新正上元日啟也。

縣志之修也。先由蕭健堂諸君分別採輯。八閱月而成篇。其後總

編校訂。復閱數月而告竣。實出因之一人之手。脫稿後本當即付  
剞劂。惟是各篇之末。或前事尚待發明。或後事虞有遷變。枝中擬  
綴數語。冀可作鑑。既往。希望將來。乃案牘勞形。僅成選舉風俗二  
草。餘未暇及。茲雅四載。旋以關稅短絀。虧累萬數。受代忙迫。有願  
莫償。縣志之未觀厥成也。都人士其罪我乎。其知我乎。此辛丑八  
月念九留別書也。

據此二者。則吾雅之修縣志早矣。基之與聞其事久矣。設天假之  
緣。唐公留任數載。俾得優游珥筆。篇末完全論讚。則其書之梓行。  
有必然。而無疑者。雖然。基於修志諸公。序齒獨後。一旦筆則筆。削  
則削。合一爐而冶。以就我範模。健堂我師也。隨在可以稟承。又平

### 雅安歷史卷一

緒二

二

昔沆瀣一氣。坦然以至誠相與。外此即不能無所蒂芥。讓小子以  
獨成其名。所以不即梓行。固疑有尼之者也。然則留別書中。知我  
罪我之言。雖曰唐公自道。不啻代為鴻基寫照也。功敗垂成。有數  
存焉。悔向之勇於自任。直少不更事之舉動。再有以修志嘗我者。  
將揮之門外。北面稽首而不受矣。

而當路大人先生暨諸父老昆弟。談及志書。輒復謬見推舉。乃者  
省令督促。增修四川通志。先以縣志為推輪。不有述作。無以應付  
上游。修舉廢遺。余云當資熟手。若以基為尚堪勝任者。不知臣之  
壯也。猶不如人。今老矣。再攘臂以為馮婦。固不如其已也。但邑令  
眷注之隆。業師玉成之切。回首當年。猶赫赫若前日事。似不能妄

自非薄。謂此事之漠然無與於我也。且民國成立。誕布維新之政。予人以自由之權。自由安在。我所能為者。我為之。我所願為者。我為之。不得強人以不願。亦不至苦人以不能。業已不能附和。不願雷同。各行其是。是可矣。基固自由人也。偶有著作。亦自由之著作也。用是不染修志之利。不負修志之責。就當日故紙所藏。理而出之。幸剝落未盡。然不勝撫今追昔之感矣。乃畧加點竄。標以雅安歷史之名。仍無所增益。斷至前清光緒而止。

是書也出。又必有知我罪我者矣。知我者謂我善。因罪我者謂我掠美。傳曰。人心之不同。如其面焉。子面吾面。不能比而同也。著作

### 雅安歷史卷一

緒三

三

亦然。當分類編輯。甫有頭緒。統交鴻基處留作核對。除地理建置。繳還健師外。旋值國體變更。各門底稿。幸不散失。亦於民國十年九月六日。轉交縣會保存。以免蘊利生孽。徒取煩惱。茲將縣會印收各目頁數列表於下。

祠祀田賦共二十頁。

志例選舉原撰及參改者共二十二頁。

官師六十五頁。

人物四十三頁。

災祥十頁。

風俗雜記共十八頁。附八景詩一紙。

以上種種。皆諸君親手所書。近在縣會。可取而閱。其非拾人牙慧。彜衍敷衍已也。且今志行將發現。草此以備一格。或者新舊唐書。相輔而行。馬班二史。不嫌重出。然予亦不敢有是奢望也。湊合成本邑掌故。了當日公案一場。如斯而已。復何所容心哉。

雅安歷史

地理篇

賈鴻基固之著

欲知雅安之地理。不可不嫻習夫天算。壯歲留滯京師。與天文館諸疇人游。語予曰。雅安當北極出地三十度零五分。偏京師西一十三度二十一分。偏里一千三百一十八里。即其言以考經度緯度。而雅安在地球之位置。較有着落。不徒井鬼分野鷄首之次。一味空空洞洞。置雅安於渺冥不可測之地也。

平面以鳥道開方。東西廣九十里。南北長八十五里。東至洪雅界四十里。西至蘆山界五十里。南至榮界六十里。北至名山界二十五里。東南至洪雅界五十里。西南至天全界六十里。東北至名山界

雅安歷史卷一

地一

五

六十里。西北至蘆山界六十里。至省界三百四十里。至京六千六十六里。水程至京一萬一千一十里。西蜀襟帶。南詔咽喉。

四面皆山。縣即以山名。治後雅安山形如半月。一名月心。城垣跨於其上。俗謂之蒼坪。山脈由沈黎而來。或起或伏。蜿蜒至南城五里而近。曰龍觀山。一名龍冠。或作龍鶴。又名萬勝岡。武侯擒孟獲至此。土人聚觀。因是得名。上有龍觀亭。楊升菴題曰。天設地生。勝似蓬壺仙境。

蔡蒙二山最古。見禹貢梁州之域。蔡即周公山也。在城東五里。武侯嘗駐兵其下。感夢周公。故有是名。山有龍穴。可卜晴雨。井出崖間。亦名周公井。明尹夢璧摩崖詩。嵐飛晴雪千山溼。風捲寒濤萬

壑底。蒙山接名山縣界。

漏閣山為神禹遺跡。在城西北三十里。高深沈晦。濛濛多雨。一名官帽山。有井潭。潭然青色。再北去二十里。多功峽。崖如刀截。壁立千仞。中通一線。禹治水於此。用功尤多。

其以物象名者。魚嘴坡。東二里。岱宗府後。獅子嶺。東南十里。牛心山。南五里。一名牛賽山。昔時山忽崩裂。有石龍出崖上。遺跡猶存。鹿角山。南十里。唐天寶六年。勅改為嚴道山者。此也。金鳳山。北十里。山脈綿亘。形類鳳翥。其下有蓮花池。寬廣十數畝。夏秋之交。荷香滿路。更有名鳳皇山者。三在東南。八十里。一在南二十里。一在北三十里。梯子崖。東二十里。旗山。東南百十五里。翠屏山。西二十里。

雅安歷史卷一

地二

六

環列如屏。空翠欲滴。其因林木。或礦產名者。桐梓嶺。東十里。玉寶山。南十五里。懸空山。南二十里。上有奇峭石二。七盤山。北十五里。山麓有大石。自生石盤七。古色斑斕。官茶園在焉。

其戰守遺跡者。寨子山。東十五里。根蔡山脈。最奇峭。對崖山。南十里。兩崖對峙。中廠一坪。明李華宇與張獻忠兵戰於此。惟長瀆嶺道至險惡。在西南二十七里。

其靈異著者。掛榜山。東南百二十里。往時科舉未停。如有崩裂。邑人必有命中者。古佛山。東南百二十里。有僧了果。與其徒本旺。獲古金佛。金雞山。東二十里。相傳金雞鳴於此。有石室。為爾朱通微鍊丹處。宋嘉泰中碑尚存。觀音崖。北三十里。兩山相倚。上合下開。

龜都山在東北四十里。交洪雅界。臨青衣水中流。即古離堆。秦太守李冰發卒鑿平澗崖。通正水道。觸水神怒。冰乃操刀入水。與神鬪。今東岸止水崖尚宛然也。

水以青衣為大。支流羣匯。長清江自大土坪。周家嘴。遠飛龍關。逶風木了。又遠至南龍關山麓。沿治後夾家溪。出雅安橋下。北注之。龍西河自羅純五甲口。經五頂山。西流三十里。至觀音崖入峽。二十里。送龍門口。又二十里。出青衣橋下。南注之。周公水一名車剛水。發源夾江洪雅諸山澗中。倒流入境。送葫蘆壩將軍坡沙坪紅崖嶺。沿周公山麓。至高家壩。北注之。小溪河自名山東南流入境。二十里。亦注青衣。按青衣江即古大渡河。一名雅河。源出邛州西

雅安歷史卷一

地三

七

伏牛山。由蘆山會天全河。東流經縣北。有漁家灘。至官渡口曰平羌水。下五里曰觀音灘。又二里楊泗灘。五里癩疤石。五里這頭石。十里老鴉漩。二里北蠟漩。五里嘉魚潛。一里短接水。五里雷垣灘。即古離堆。又東過嘉定入大江。

潛夫溪在治南。以王潛夫得名。竹溪西五里。一名乾溪。高士胥九鼎故居。陶仙洞在焉。有林泉之勝。魏鶴山有詩曰。胥君欣然來。錦囊背溪奴。探囊發詩卷。一一卿大夫。未識胥園面。詩卷自畫圖。掃石卧竹影。長鍾劇芋區。胥君於此時。林泉備金珠。其風趣可知。大深溪西南三十里。龍洞溪東十里。隱約現龍鱗。人喧則雨。天旱祈禱多驗。

白馬泉自羅純山谷中湧出。深不可測。一日三潮。風浪如雪。昔有白馬不時出現。雲擁之行。相傳白龍化。故又名龍淵。宋紹興有祈雨碑。湧泉東五里。兩穴。冬不涸。出魚甚美。或竭水捕盡。尋水溢。魚復聚焉。凉水井南五里。傍有觀音洞。蘇公井在郡署後。蘇洵携二子謁知州雷簡夫。忽廳石有泉出。味極甘美。

險隘則金鷄關為縣北障。竹箐關為縣東障。飛龍關為縣南障。即漢羊竇道。飛仙關為縣西障。水津關以渡名。則竹箐之內障也。高橋關以橋名。則飛龍之外蔽也。景村關在大河邊。西控榮經。南界洪雅。外有龍越鎮。西三十六里。多功鎮。西北三十二里。和順鎮。西北九十里。西山谷接番界。

### 雅安歷史卷一

地四

八

橋梁多用石。或木石兼用。惟官渡口之浮橋特用竹。十月渡索編橋。春盡則撤。大關之板橋。水漲亦不能鋪板。非比他橋之常利往來。間有鐵索駕橋者。康熙時知州尤鳴皋建雲路橋。即駕鐵索為之。伏龍橋東北十五里。又名福隆。黃村羅純入城要路。俗謂鐵鎖橋。明嘉慶中邑人高萬發鄭萬貴建修。嘉慶時彭體禹補修。八龍橋東南百里。跨景村河。鐵索有八。因名八龍。榮入境買茶要路。繩橋東五里。久廢。其駕鐵索之處。不可復識。此外亦不多有也。青衣橋東北三里。跨隴西河。陝人王希曾。同僧智嵩創建。黃雲鷄捐廉培修。當入省要路。龍門橋北五里。在青衣橋上游。孝廉橋東北二十里。跨金雞關南溪水。以高頭故里名。乾隆中邑人韓開文重建。

高橋與道達壩橋。魚喜河橋。銅頭河橋。飛仙橋。皆以所在地名之。尚有金馬橋在東二十里。清源橋西北一里。普惠橋治南。長安橋西五里。跨乾溪溝水。一名乾溪橋。蘆山天全入境要路。明萬曆中。邑人陳惟廉惟忠兄弟。繼續建修。今已圯矣。至橋功之大。可以垂永久者。則雅安橋為之最。東二里跨長湑江上。顧光旭為之記。長湑水環雅州城。東入平羌江。其源由瓦屋流經飛龍關。與諸水合而南。高山遶谷。盤曲重阻。至是而一逞焉。其浩瀚宜也。雅關前。舊有鐵索橋。以濟行旅。隨風簸蕩。登者股栗不能前。岌岌欲墮。歷歲既久。淪溺不可勝記。乾隆甲午冬十月。攝雅安縣阮牧樹。議建石橋。時江水方涸。諏日鳩工。士民趨事。監生禮文宗請董斯役。竭

## 雅安歷史卷一

地五

九

心協力。摩以歲月。費白金一萬三千餘兩。乙未冬杪訖工。橋長二十四丈。寬二丈一尺。高四丈五尺。錫名曰雅安橋。名以地。且慶安瀾也。阮牧述其顛末。告於制府文公。公嘉其惠民濟人。屬光旭為之記。時光旭奉命總理南路軍務。且自壬辰秋由龐入蜀。即隨制府徧歷徼外。道於雅者數矣。見老弱負戴。連臂接踵。托命於一線。殘軀惻然念之。阮牧身任厥艱。凜凜如己溺。勤勤懇懇。迄於橋成。而往來如砥。行者休者留。連覽觀。樂江山之勝。益歎其地之絕險。將歌思不忘。知良牧之經營盡瘁。其用心為至篤。其利賴為至溥也。况王師靖孽。雅當南路首衝。籌餉餉。犒車飯。軍書旁午。幾於日不暇給。阮牧能出其餘力。以成不朽之功。難乎其難哉。而體生年

且老。舉刀以赴鉅舉。所謂篤於行義者非耶。遂為記而書之。石平羌官渡東北二里。一名麒麟渡。通謂之大渡。入省要路。官設船隻渡夫。其由小北門外渡者私渡也。再上為宋村渡。又上為多功渡。皆蘆山天全入境要路。官渡而下。迤東二十五里為水洋渡。嘉定入境要路。周公渡亦嘉定入境要路也。其上流為澄清渡。以澄清安得名。乃余村段村入城要路。

水利有紅崖堰南五里夾家溪。引清溪。黑水堰北三里龍門口。引龍西河水。高山堰西十五里多營坪。引山溪。龍溪堰東二十里龍溪廟側。引龍溪水。外有後鹽溪。龍門溪。泡花溪。金礦溪。螞蟻溪。隴陽溪。王仁溪。硝水溪。倒流溪。余村溝。吳家溝。孔家溝。齊家溝。桑家

雅安歷史卷一

地六

十

溝。朱家溝。宋家溝。馮家溝。水筒岡。大寺溝。均引溉無隄堰名。

鄉凡四。附城鄉南通榮經。二十里紫石里場。三十里風木丫場。三十二里大漢橋場。四十里觀音堡場。坎坡壩。多營坪。陸家壩。城後壩。文廟壩。對河村。八步石。大土坪。屬焉。慕義鄉東通洪雅。十五里大興場。三十五里草壩場。四十里蔣壩場。東北通名山。丹稜。洪雅。十五里姚橋場。六十里合江場。桐梓林。余村溝。太保坪。和夷壩。龍堰壩。上旅。平下旅。平屬焉。上壩鄉西通榮經。東南通洪雅。四十里李壩場。六十里沙坪場。八十里嚴橋場。九十里龔家灣場。一百里望魚石場。一百二十里晏家場。上壩。水中壩。古李壩。段村壩。飛石壩。獅子林。羅村前。江後。江屬焉。水東鄉東通名山。西通蘆山。北通

邛州火井。二十里新興場。七十里中里場。一百二十里五甲口場。色陳壩黃村屬焉。

其古蹟嚴道故城在雅安山。蒙陽故城在治西北。然基址不得而致。其騰諸口說而傳為韻事者。惟郡署為多。熙春堂府大堂也。宋時所建。棣華堂府川堂也。呂由聖由誠兄弟相繼為守。州人立此頌之。署西碧照亭。為雷簡夫譙客處。署內賢範堂。舊有簡夫二蘇像。署後四經樓。則東坡昆仲讀書處也。又雙鳳堂。州守樊汝霖為二蘇建也。署側舊有武侯祠。明嘉慶間。巡道胡仲謨建靜學館於祠前。接遊府署後有超然亭。遊擊李王斯題句曰。放眼山川外。超然一草亭。出東門有仁智堂。多園林花木之美。附以樂郊亭。跳珠

雅安歷史卷一

地七

十一

軒野翁亭諸勝。而萬壑亭尤高。踞蔡山之頂。一時流連光景。事過境遷。無能語其詳。指其所在矣。若治西寒芳樓。黃庭堅訪張閻於此。為之題額。王潛隱居紅崖山麓。築無絃亭。環植竹木。趙清獻過雅。為額之曰濯纓。嘗讀書洞中。與龍觀山司馬相如。讀書臺。遙遙相對。輝映後先。又振文堂亦在南關外。為宇文紹芳課士所。魏鶴山有振文堂記。

雅安南控九折。西扼靈關之塞。地多瘠鹵。嶺峭川激。民樵頰能勞苦。而其為士者。頗知自好。質而不華。時平無邊。則問曠之趣。往往中州弗遠。然至者以其僻且固也。而不陋者幾希。成都宇文侯紹芳。為是州之明年。邊塵不驚。百廢俱飾。迺因餘暇。順民之情。為樓

於州之南。侯既為文以紀。又為堂其下。扁以振文。佯來益予曰。願有以告於州之人也。夫不遠其地。不鄙其人。而思所以告之。侯之用心。抑所謂幾希者矣。而侯之為是也。寧以斯土也。士習雖醇。而馳騁文藝。以譁眾取寵者。僅僅有之。故思有以振作之歟。抑侯之意。殆不止此。為堂南鄉。厥位為離。其為文也。佔畢誦說云。才。裁。大。極。昆。崙。動。靜。根。焉。元。化。周。流。剛。柔。分。焉。盪。推。往。來。更。迭。雜。揉。日。夜。相。代。乎。前。無。一。息。之。間。而。天。下。之。至。文。生。焉。離。離。乎。其。相。麗。也。皇。皇。乎。其。旁。燭。也。秩。秩。乎。其。有。條。不。紊。而。纖。微。畢。具。也。仰。而。觀。俯。而。察。則。日。月。之。晦。明。星。辰。之。見。伏。山。川。之。融。結。草。木。之。羅。縷。近。取。諸。身。則。君。臣。父。子。兄。弟。夫。婦。朋。友。之。間。莫。非。天。命。之。流。行。而。人。文。之。

雅安歷史卷一

地八

十二

昭晰。是故堯舜禹湯文武所以化成天下。而聖人所謂起鳳鳴河圖之歎。薄乎云爾。後世之所以謂文也。今侯卷卷乎是州之人。夷荒闢秀。思有以振作之。余竊意其士質而靜。既少馳騁之觀。地阻且左。又無繁華之娛。則或者純固專一。知所用刀。自茲承侯之德。審思明辨。純體篤行。豈無日改月化。有以悠然自得於天理之彝。而惡人文之正者乎。博曰甘受和。白受采。登斯堂也。庶幾有感於斯言。

又有八角井。西四十五里冷家山。作八角式。祈雨多驗。為宋治平遺跡。最古則旅平在東十里。禹治水功成。旅祭於此。今呼為落平。石坊則明代獨多。碑刻則漢朝最貴。進士石坊道署外。嘉靖己未。

為亭向陽立。綸褒石坊西正街。隆慶元年為亭印立。誌封石坊萬  
歷三年為陳氏立。今址外翰佳城石坊多營坪。亭向陽墓道。羊甯  
道碑東三十里。漢青衣尉趙孟麟穿崖易道。行人去險得安。故刊  
石以志之。高君石闕二。建安中立。東北十五里。弟實子直。墓俱在  
焉。別有高君碑。其文如下。  
漢故益州太守高君之頌

君諱頤。字貫方。其先出自帝顓頊之苗胄。裔有逢伯陵者。殷湯受  
命。陵有功。食采齊高樂邑。世為正卿。氏采建姓。至高重為桓公。將  
南陽之師。而成魯。哀美於春秋。訖漢濟有四城。雖於臨淄為  
廓然關外受邑。缺二字垂道里君立達為方揚。缺一字親賢樂善。游心

### 雅安歷史卷一

地七

十三

無籍世。缺二字惠朔朝任郡辟州從事。缺三字時典州清卷之。缺一字

不渝郡舉孝廉。缺九字州表蜀郡北部府丞武陽令。百姓莫奸。缺一字

歌賦晏晏之。缺一字性。試守廣漢屬國都尉。猶密子之在密。配李牧

之鎮代。試守益州太子。法蕭曹之幾要。膺求由之政事。班芳聲於

國畿。理高蒲之危溢。當登親職。綏惟時雍。連疾朱濟。天降凶殃。害

延貞良。建安十四年八月於官卒。臣吏擗舉而悲叫。梨庶踴泣而

切怛。追思念義。縷經墳側。因作頌曰。穆穆我君。帝顓之胄。匡輔齊

桓。德無其偶。苗裔流衍。係彼梁州。惟君立節。卓爾絕殊。學優從政。

剛無茹柔。罕城子牧。惠澤沾優。剖符典郡。威德感乎。示民敬讓。闕

斷苞組。宜享漢輔。頌德將舒。乾流豈戾。後見隕祖。凡百悽愴。痛於